

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Nunatsinni piniartut aalisartullu inuuniutaat eqqarsaatigalugu piniakkanut aalisakkanullu ulluliisarnit ullutsinnut naleqquttuunersut pillugit oqallisissiatut siunnersuut

(Inatsisartunut ilaasortaq Gerth Mikaelson, Naleraq)

Nunatta sineriaani piniartuuneq aalisartuunerlu eqqarsaatigalugit isumaqarpunga, piffissanngortoq piniakkanut aalisakkanullu assigiingitsunut ulluliisarnit ullutsinni tulluarunnaarsimasut oqallisigissallugit.

Assersuusiussaguma piniartunut tuniniaassussisartoq ullaakorsioqatiginerani eqqaasaa, Kapisillit takkusimaariartuaarneri iluaralugu. Taava taamatut eqqartuinitinni eqqaavaa, aatsaanaasiinngooq takkusimaalersullu ulluliinert malillugit piniaqqusaajunnaassapput.

Aalisartut piniartullu isertitsilluartarnissai kissaatiginartarnermut. Ullutsinnimi suna tamaat akitsoriartorpoq. Akilersugaqarput, amerlasuut ialqutaqarput pilersugassaminnik. Inuuneq oqinnerusooq atorluaqqunartarnermut, piniartuulluni aalisartuulluni tamakkua pissutsit imaannaasanngimmata.

Inoqatigut akitsinniittunut assersuusiussaguma nittartakkakut siammarterivimmi facebookimi takussaasarput qassusersorluni aalisartartut avataani kapisilippassuarnik, nunatsinnilu assut killeqartinneqarlutik. Pikkorinnerusariaqalerpugut nunatsinni isumalluutaanerpaat, tassa aalisartortagut, sulii ajunnginnerusumik sorsuutigalugillu illersorlugit atugassarititaasunik siuarsaanissaq. Nunatsinni aalisartut piniartullu nuannaarnerullutik inuiaqatigiit pilersortalissagaat isumaqarpunga. Uagummi nunami sulisartut aamma pisisartuusugut atorfissaqartitsisaqaagut nunatta pissarititaannik. Aamma kalaaliuneq nerisassamiimmat.

Silaannaap allanngoriartornerata kingunerisaanik piniakkat aamma aalisakkat takkusimaartarneri allanngoralertut takoreerparput - aalisartunut piniartunullu u atugassarititaasut taamaalillutik aamma allanngornikuupput.



Piniartutut aalisartutut inuuniuteqarneq ullutsinnut naleqquttuunersoq oqallisigineqartariaqarpoq. Kalaallip piniartup aalisartullu killissani naluneq ajorpaa, kingulissagut aamma eqqarsaatigisaratsigit.

Taamatut Naleraq sinnerlugu oqaaseqareerlunga Inatsisartut oqallilluarnissaannik kissaappakka, neriuppungalu oqallinneq Naalakkersuisut aalisartutsinnut piniartutsinnullu pitsaasumik siunnerfeqarsinnaalerumaartut.